

Incumbensa Felix concernent l'impurtanza da las acquisiziuns publicas per l'economia publica

Sin fundament da sia grondezza, da sia topografia e da sias regiuns relativamain pauc populadas è il chantun Grischun in veritabel "chantun d'infrastructura". Infrastructuras intactas dal traffic, dal turissem, da l'energia e da la telecommunicaziun è decisivas per che l'economia publica dal Grischun funcziuneschia. L'economia da turissem ed il maun public (chantun e vischnancas) è pia er ils empustaders impurtants da servetschs e da prestaziuns da mastergn. En consequenza dal resultat da la votaziun dals 11 da mars 2012 davart l'iniziativa cunter las abitaziuns secundaras dastgass ina part considerabla da la dumonda sin il champ dal turissem, particularmain en la branscha da construcziun principala ed accessoria, crudar davent a partir dal 2013. La dumonda dal maun public survegn pia ina impurtanza anc pli gronda.

Il chantun Grischun ha ina legislaziun moderna per las acquisiziuns publicas. Ils andaments da procedura e lur applicaziun tras l'administraziun è transparents e pon vegnir designads sco exemplarics en cumparegliaziun cun auters chantuns. En vista a l'impurtanza extraordinaria da las acquisiziuns publicas per l'economia publica dal Grischun pari a las sutsegnadras ed als sutsegnaders inditgà da sensibilisar la regenza e l'administraziun per quest fatg. Quai pervia dals suandants fatgs.

En il cas d'ina incarica da construcziun da circa 8'450'000.00 francs ha ina interpresa extrachantunala survegnì l'agiudicaziun. Schebain ch'igl eran avant maun 3 offertas d'interpresas grischunas che surpassavan mo per 1,09%, per 1,12% e per 1,37% l'offerta resguardada e che derivavan d'offerents cun referenzas equivalentas. I sa tschenta la dumonda, sch'i sto vegnir examinà – per las acquisiziuns futuras – da nominar e da valitar cas per cas ils criteris da qualificaziun e d'agiudicaziun sut l'aspect da l'impurtanza per l'economia publica.

L'economia publica dal chantun Grischun ha per gronda part ina structura da mastergn. Da questa circumstanza stoi vegnir tegnì quint er en cas d'incarcas e d'acquisiziuns dal chantun. Perquai fissi problematic, sch'i daventass ina pratica ch'ils projects da construcziun pli gronds dal chantun vegnissan realisads tenor il sistem d'ina interpresa generala (p.ex. scola chantunala Halde, scola chantunala chasa Cleric, stalla nova Plantahof). Quai na resguardass betg l'economia publica dal chantun Grischun cun sia structura da mastergn e chaschunass ina perdita considerabla da cumpetenza professiunala en il chantun. Las interpresas generalas han – betg mo, ma cunzunt – lur sedia ordaifer il Grischun.

Las sutsegnadras ed ils sutsegnaders incumbenseschan perquai la regenza da prender – en cas d'incarcas e d'empustaziuns dal chantun – tut las mesiras che paran necessarias per:

- profitar plainamain da la libertad da decider, applitgond ils criteris da qualificaziun e d'agiudicaziun, a favur da nossa economia publica;
- tegnair quint, en las publicaziuns, da l'economia publica dal Grischun cun sia structura da mastergn.

Cuira, ils 17 d'avrigl 2012

Felix, Caduff, Nick, Barandun, Berther (Camischolas), Bezzola (Zernez), Blumenthal, Buchli-Mannhart (Stussavgia Plaz), Caluori, Campell, Casanova-Maron, Casty, Casutt-Derungs, Clalüna, Claus, Clavadetscher, Conrad, Della Vedova, Dudli, Engler, Fallet, Foffa, Fontana, Giacomelli, Grass, Gunzinger, Hartmann (Champfèr), Heinz, Holzinger-Loretz, Jeker, Jenny, Joos, Kasper, Koch (Tumein), Kollegger (Malix), Komminoth-Elmer, Krättli-Lori, Kunz (Fläsch), Lorez-Meuli, Mani-Heldstab, Märchy-Caduff, Meyer-Grass, Michel (Tavau Monstein), Montalta, Niederer, Niggli (Samedan), Niggli-Mathis (Grüsch), Papa, Parolini, Parpan, Pedrini, Rosa, Sax, Steck-Rauch, Stiffler (Tavau Plaz), Tomaschett (Breil), Tomaschett-Berther (Trun), Troncana-Sauer, Tscholl, Valär, Vetsch (Claustra Vitg), Vetsch (Pragg-Jenaz), Waidacher, Wieland, Audétat, Buchli (Favugn), Degonda, Fausch, Fravi, Liesch-Schön, Patt, Schucan, Spreiter, Stäbler